

D Aare macht sich bräit und überfluetet eusi Gäärte,
s git Rüeblü statt Zibele, s git Biber und nüm Bääre,
Schmalspurflüss benetze d Siitetäaler
bis zum Halt uf Verlange a de Ändmorääne.

D Limmel brandet bsoffe gäge d Laitplanke,
iri Fisch strande tjuunet im Frässbalke,
d Turbine wirble im Elektrosmog,
im Thermalwasser tanze si Rock 'n' Roll.

**Aargau, Rüsssgau,
Rhygau, Limmelgau,
i eusne Müüler flüsst alles zäme
und am Schluss mündet alles is Meer.**

De Rhy bringt Schuum und schmöckt nach Malz und Hopfe,
oberhalb vo sim Chnü het er Saurierchnoche,
er git Salz zum Choche, und foosch en Fisch,
wird er Doppelbürger sii und redt Schnüerlischrift.

**Aargau, Rüsssgau,
Rhygau, Limmelgau,
i eusne Müüler flüsst alles zäme
und am Schluss mündet alles is Meer.**

D Rüss isch en Fluss us Melissegäischt,
wo Konfetti und Wyrauch im Näbel vertält,
verchläideti Piraate baschtle Hüet us Stroh
und si ruedere uf Wädling im Freiämtersturm.

**Aargau, Rüsssgau,
Rhygau, Limmelgau,
i eusne Müüler flüsst alles zäme
und am Schluss mündet alles is Meer.**